



ARANTZako UDALA

IFZ: P 3102200 G

Herriko Plaza, 7
31790 ARANTZA (Nafarroa)
☎ 948 634 005
☎ 948 928 919
arantza.udala@arantza.eus
www.arantza.eus

UDAL INFORMAZIOA - 2016ko azaroa

HERRIKO BESTEN BALORAZIOA

Bestak aspaldi pasatu ziren arren, gure balorazioa aipatu nahi genuke. Bestak hagitz ongi joan ziren, giro lasai eta herritarren parte hartze handiarekin. Hementxe dituzue bestetako diru sarrera eta gastuak. Bertzalde, aipatu besten ondotik etxeetara bidalitako inkestan eman zenuten iritzia kontuan hartuko dugula eta eskerrak aunitz hau betetzeagatik.

<u>GASTUAK</u>		<u>SARRERAK</u>	
Udaleko bazkaria	499,2€	Cumba-cumba	30€
Zikiroa	1.875,5€	Txurreria	20€
Pilota jaialdia	1.600€	Tiropitxon	120€
Herri Kirolak	1.400€	Yalcega	40€
Puzgarriak	968€	Mariezkurrena	30€
DYA	150€	Borondatea (pilota)	162,8€
Piroteknia	228,91€	Herri bazkaria	2.950€
Bertsolariak	900€	Publizitatea	2.022€
Txaranga	1.000€		
Txamukos	700€		
Obaneuke	1.000€		
Trikidantz	1.600€		
Bide Batez	1.000€		
Iratzar	1.875,5€		
Musikarien otorduak	416,1€		
Programak	1.137,4€		
Plazako boletina	114,95€		
Plazako argia	371,99€		
Errandonea	608,3€		
Herri bazkariko esnea	2,8€		
Mahaiak eta aulkiak	201€		
Apezenea	75,35€		
Martiko	43,56€		
Edalontzi berrerabilgarriak	52,8€		
Txamukosen afaria	252,2€		
Platerak	81,11€		
Info7	75€		
Xorroxin	77€		
SGAE	498,65€		
DENETARA:	18.805,32€	DENETARA:	5.374,8€

KULTUR EGUNAK

Urriaren hondarrean, eguraldia lagun, kultur egun eder eta jendetsuez gozatu dugu. Eskerrak aunitz antolatzaile eta laguntzaile guzietan eta ekitaldietara hurbildu eta parte hartu duzuenoi.

AZAROAK 25: EMAKUMEAREN AURKAKO INDARKERIAREN AURKAKO EGUNA

Nazioarteko egun hau ate joka dugu eta guk, emakumeen aurkako indarkeria erabat gaitzesten dugula azpimarratu nahi dugu. Ortziralean ilunabarreko 19:30ean eskolako gimnasioan, "Susanaren iraultza" antzezlanaren izenarekin, Esther Carrizo aktorearekin. Anima zaitzete eta honen aurka borrokatzen segi dezagun!

LURZATIAREN SALMENTA

Aitzineko egunetan jaso duzuen informazioak erraten duenez, Arantzako Udalak Larreta auzoan dagoen herri lurzattia saltzea erabaki du. Interesa duzuenok herriko etxera deitu.

FRONTOIAN PILOTA ESKOLA

Aurten ere herriko gazteak pilotan dabilta, eta entrenamenduak urritik maiatzera bitartean asteleheneetan izanen dituzte, arratsaldeko 16:00etatik 19:00etara. Beraiek hala eskatuta, ordu honetan frontoia beraientzat bakarrik izanen da. Ordu horietan nahi duenak erabilgarri izanen ditu Herriko Etxeko gorapea eta eskolako aterpe berria.

MENDIKO LANAK ETA UHOLDEEN ONDORENGO LANAK

Mendiko lanei dagokienez, hainbat lan egin ditugu:

- Aientsan:
 1. Soratan, kuneta egin eta iturriko ura bideratu.
 2. Muniltzatik aitzinera ur-bideak egin eta erreka xokoa moldatu.
- Azkilarrean:
 1. Don Jabierren aldarea eta Idoia (Sunbillako muga) arteko pista moldatu.
 2. Ekaitzan, Abatzerdiko errekatik herri aldera 100 metroko kuneta egin.
- Eguzkialdean:
 1. Buruitza eta Itsaszelaite arteko pista moldatu.
 2. Buruitza eta Itturpo arteko pista moldatu.
 3. Ametxokon, Zerradoko bordatik aitzinera, tuboa urak eramanez tubo berri bat paratu.
 4. Ametxokon 4 hektareatan zuhaitzak landatu.
 5. Zerradoko borda ondoan 2 ur-tubo garbitu.
 6. Tuankorda eta Amekurrun arteko pistan ur-bideak egin eta Arrautxarko errekatik goiti pista zati bat moldatu.

2015 urteko ilbeltza, otsaila eta martxoan uholdeek utzitako kalteak moldatzeko ere hainbat lan egin ditugu:

- Aientsako pistan:
 1. Azkilarreko Osildekobordako parean pista moldatu.

2. Filipenborda ondoko pista moldatu.
- Azkilarrean:
 1. Bordaberriko errekan, Putzubeltza aldean, tubo berria paratu.
 - Bordalarrean:
 1. Miakako pistako honda-zuloa moldatu.
 - Eguzkialdean:
 1. Maudinkorda eta Arizpe arteko pista moldatu.
 2. Laraukordako erreka garbitu.
 3. Zerradoko borda ondoan ur-tubo bat garbitu.

LIZTOR ASIATIKOA

Garai honetan liztor asiaticoei adi egoteko erran nahi dizuegu, eta kabiren bat ikusten baduzue, udaletxean abisatu.

GURE ESKU DAGO

Badakizuen bezala, Arantzan, Bortzirietan eta Euskal Herriko hainbat xokotan bezalaxe, hainbat herritarrek Gure Esku Dago dinamika martxan paratu dute eta herrian honen aurkezpena egin zuten. Arantzako Udalak ekimen hau babesten duela adierazi nahi du.

ESKOLAN EGINDAKO OBRA


Dagoeneko ikusi izanen duzuen bezala, eskolan gela eta aterpe berria ditugu. Obra hauek Nafarroako Hezkuntza Departamentuak egin ditu. Nahiz eta gaur egun eskolan dauden behar guziak ez ase, obra hagitz ongi gelditu da.

HIRI ONDASUNEN EGUNERATZEA

Gaur egun hiri ondasunen katastroa nahiko desorekatua dago eta eguneratzea beharrezko ikusten dugu. Gai honeri buruz, denbora luzerik gabe, izanen dituzue argibide gehiago.

ZUENA DA HITZA!

Xoko honetan udalari jakinarazi nahi diozuna paratu dezakezu: zure proposamenak, kritikak, hobekuntzak, iradokizunak, etab. Zure iritzia idatzi eta papera plazan honetarako espresuki paratu dugun ontzian botatzen ahal duzue. Eskerrak aunitz zuen ekarpenengatik!



IRADOKIZUNAK:

